

दोय दिना री बन्दा सायबी,

दोहा नहीं हैं तेरा कोय,
नहीं तू कोयका,
अरे हां बाज़िन्द स्वार्थ रा संसार,
बणा दिन दोय का ।
एक रोहिड़ा रा फूल ज्यू,
वनी में फूलिया,
अरे हां बाज़िन्द झूठी माया देख,
राम जी ने भूलिया ।
डोडी पाग झुकाय,
दिखावत आरसी,
अरे हां बाज़िन्द वे नर गया बिलाय,
पढन्ता फ़ारसी ।
अंतर तेल फुलेल निस दिन लगाय,
दोय दोय दीपक सँजोय महल में पोढता,
एक दिन पासो पड़ियो काल रो,
तो गया गडिंखावता ।
रहता रंग महलों रे में,
झरोखे झांकता,
चाले टेढ़ी चाल,
चंहु के डाकता ।
अरे बाज़िन्द वाने खा गयो काल,
गया गडिन्दा खावता ।

दोय दिना री बन्दा सायबी,

काई तेग दिखावे,
गर्भ करे मन मानखा,
साथे नहीं जावे,
दोय दिनां री बन्दा सायबी ॥

महल खजाना छोड़ के,
तू होया हैं खाना,
क्या जाणू किस देश मे,
पा किया हैं पियाणा,
दोय दिनां री बन्दा सायबी ॥

गलियारों में डोलिया,
फूला सेज बिछाता,
पोढ़ण वाला पोढता,
दीसे नहीं जाता,
दोय दिनां री बन्दा सायबी ॥

मूछिया टेढ़ी राखता,
काई आँख दिखावे,
जोर जवानी में डोलता,
वे नर मरता ही जावे,
दोय दिनां री बन्दा सायबी ॥

देख देख गति जीव री,
मोहे हँसी आवे,
माध केवे माने नहीं,
वृथा जन्म गमावे,

दोय दिनां री बन्दा सायबी ॥

दोय दिनां री बन्दा सायबी,
काई तेग दिखावे,
गर्भ करे मन मानखा,
साथे नहीं जावे,
दोय दिनां री बन्दा सायबी ॥

स्वर टीमा बाई जी ।
प्रेषक रामेश्वर लाल पँवार ।
आकाशवाणी सिंगर । 9785126052

Source: <https://www.bharattemples.com/doy-dina-ri-banda-saayabi-bhajan/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>